

大般涅槃經

籍

第十四

體四

百廿四

48017



皇國聖業
 萬古流傳
 萬壽無疆
 法輪常轉
 法金剛院
 置



大般涅槃經卷第二十四

體

北涼天竺三藏曇無讖奉

詔譯

大般涅槃經光明徧照高貴德王菩薩品第十之四
復次善男子云何菩薩摩訶薩脩大涅槃成就
具足第二功德善男子菩薩摩訶薩脩大涅槃
昔所不得而今得之昔所不見而今見之昔所
不聞而今聞之昔所不到而今得到昔所不知
而今知之云何名為昔所不得而今得之所謂
神通昔所不得而今乃得通有二種一者內二
者外所言外者與外道共內復有二一者二乘
二者菩薩菩薩脩行大涅槃經所得神通不與
聲聞辟支佛共云何名為不與聲聞辟支佛共



二乘所作神通變化一心作一不得衆多菩薩
不爾於一心中則能具足現五趣身所以者何
以得如是大涅槃經之勢力故是則名爲昔所
不得而今得之又復云何昔所不得而今得之
所謂身得自在心得自在何以故一切凡夫所
有身心不得自在或心隨身或身隨心云何名
爲心隨於身譬如醉人酒在身中爾時身動心
亦隨動亦如身懶心亦隨懶是則名爲心隨於
身又如嬰兒見其身稚小心亦隨小大人身大心
亦隨大又如有人身體麤澀心常思念欲得膏
油潤漬令軟是則名爲心隨於身云何名爲身
隨於心所謂去來坐卧脩行施戒忍辱精進愁

惱之人身則羸悴歡喜之人身則肥鮮恐怖之
人身體戰動專心聽法身則怡悅悲泣之人涕
淚橫流是則名爲身隨於心菩薩不爾於身心
中俱得自在是則名爲昔所不得而今得之復
次善男子菩薩摩訶薩所現身相猶如微塵以
此微身悉能徧至無量無邊恒河沙等諸佛世
界無所障礙而心常定初不移動是則名爲心
不隨身是亦名爲昔所不到而今能到何故復
名昔所不到而今能到一切聲聞辟支佛等所
不能到菩薩能到是故名爲昔所不到而今能
到一切聲聞辟支佛等雖以神通不能變身如
細微塵徧至無量恒河沙等諸佛世界聲聞緣

覺身若動時心亦隨動菩薩不爾心雖不動身
無不至是名菩薩心不隨身復次善男子菩薩
化身猶如三千大千世界以此大身入一塵身
其心爾時亦不隨小聲聞緣覺雖能化身令如
三千大千世界而不能以如此大身入微塵身
於此事中尚自不能況能令心而不隨動是名
菩薩心不隨身復次善男子菩薩摩訶薩以一
音聲能令三千大千世界衆生悉聞心終不念
令是音聲徧諸世界使諸衆生昔所不聞而今
得聞而是菩薩亦初不言我今衆生昔所不聞
而今得聞菩薩若言因我說法令諸衆生不聞
聞者當知是人終不能得阿耨多羅三藐三喜

提何以故衆生不聞我爲說者如此之心是生
死心一切菩薩是心已盡以是義故菩薩摩訶
薩所有身心不相隨逐善男子一切凡夫身心
相隨菩薩不爾爲化衆生故雖現身小心亦不
小何以故諸菩薩等所有心性常廣大故雖現
大身心亦不大云何大身身如三千大千世界
云何小心行嬰兒行以是義故心不隨身菩薩
摩訶薩已於無量阿僧祇劫遠酒不飲而心亦
動心無悲苦身亦流淚實無恐怖身亦戰慄以
是義故當知菩薩身心自在不相隨逐菩薩摩
訶薩唯現一身而諸衆生各各見異復次善男
子云何菩薩摩訶薩脩大涅槃昔所不聞而今

得聞菩薩摩訶薩先取聲相。所謂象聲、馬聲、車聲、人聲、貝聲、鼓聲、簫笛等聲、歌聲、哭聲。而脩集之以脩集。故能聞無量三千大千世界所有地獄音聲。復轉脩集。得異耳根。畏於聲聞緣覺。天耳何以故。二乘所得清淨耳通。若依初禪淨妙四大唯聞。初禪不聞。二禪乃至四禪亦復如是。雖可一時得聞三千大千世界所有音聲。而不能聞無量無邊恒河沙等世界音聲。以是義故。菩薩所得異於聲聞緣覺耳根。以是異故。昔所不聞而今得聞。雖聞音聲。而心初無聞之相。不作有相。常相樂相。我相淨相。主相。依相。作相。因相。定相。果相。以是義故。諸菩薩等昔所不聞。而今

得聞聲聞音聲而心初無聞聲之相不作有相
常相常相樂相我相淨相主相依相作相因相定
相果相以是義故諸菩薩等昔所不聞而今得聞
今時今時光明徧照高貴德王菩薩言若佛所
說不作定相不作果相是義不然何以故如來
先說若人聞是大涅槃經一句一字必定得成阿
耨多羅三藐三菩提如來於今云何復言無
定無果若得阿耨多羅三藐三菩提即是定相即
是果相云何而言無定無果聞惡聲故則生
惡心生惡心故則至三塗若至三塗則是定果
云何而言無定無果今時如來讚言善哉善
哉善男子能作是問若使諸佛說諸音聲有定

果相者則非諸佛世尊之相是魔王相生死之相遠涅槃相何以
故一切諸佛凡所演說無定果相善男子譬如刀中照人照
人面像豎則見長橫則見闊若有定相云何而得豎則
見長橫則見闊以是義故諸佛世尊凡所演說無定果相善男子夫涅槃者實
非聲果若使涅槃是聲果者當知涅槃非是常法善男子譬如世間從因生法有因
則有果無因則無果因無常故果亦無常新說者何因亦作果果亦作因以是義故

一切諸法無有定相若使涅槃從因生者因無
常故果亦無常而是涅槃不從因生體非是果
是故為常善男子以是義故涅槃之體無定無
果善男子夫涅槃者亦可言定亦可言果云何
為定一切諸佛所有涅槃常樂我淨是故為定
無生老壞是故為定一闡提等犯四重禁誹謗

方等作五逆罪捨除本心必定得故是故爲定
善男子如汝所言若人聞我說大涅槃一字一
句得阿耨多羅三藐三菩提者汝於是義猶未
了了汝當諦聽吾當爲汝更分別之善男子若
有善男子善女人聞大涅槃一字一句不作字
相不作句相不作聞相不作佛相不作說相如
是義者名無相相以無相相故得阿耨多羅三
藐三菩提善男子如汝所言聞惡聲故到三塗
者是義不然何以故非以惡聲而至三塗當知
是果乃是惡心所以者何有善男子善女人等
雖聞惡聲心不生惡是故當知非因惡聲生三
趣中而諸衆生因煩惱結惡心滋多生三惡趣

非因惡聲若聲有定相諸有聞者一切悉應生
於惡心或有生者有不生者是故當知聲無定
相以無定相故雖復因之不生惡心世尊聲若
無定云何菩薩昔所不聞而今得聞善男子聲
無定相昔所不聞今諸菩薩而今得聞以是義
故我作是說昔所不聞而今得聞善男子云何
昔所不見而今得見善男子菩薩摩訶薩脩大
涅槃微妙經典先取明相所謂日月星宿燄燎
燈燭珠火之明藥草等光以脩集故得異眼根
異於聲聞緣覺所得云何爲異二乘所得清淨
天眼若依欲界四大眼根不見初禪若依初禪
不見上地乃至自眼猶不能見若欲多見極至

三千大千世界菩薩摩訶薩不脩天眼見妙色
身悉是骨相雖見他方恒河沙等世界色相不
作色相不作常相有相物相名字等相作因緣
相不作見相不言是眼微妙淨相唯見因緣非
因緣相云何因緣色是眼緣若使是色非因緣
者一切凡夫不應生於見色之相以是義故
名因緣非因緣者菩薩摩訶薩雖復見之不生
色相是故非緣以是義故菩薩所得清淨天眼
異於聲聞緣覺所得以是義故一時徧見十方
世界現在諸佛是名菩薩昔所不見而今得見
以是義故能見微塵聲聞緣覺所不能見以是
義故雖見自眼初無見相見無常相見凡夫身

三十六物不淨充滿如於掌中觀阿摩勒果以是義故昔所不見而今得見若見衆生所有色相則知其人大小乘根一觸衣故亦知是人善惡諸根差別之相以是義故昔所不知而今得知以一見故昔所不知而今得知以此知故昔所不見而今得見復次善男子云何菩薩昔所不知而今得知菩薩摩訶薩雖知凡夫貪恚癡心初不作心及心數相不作衆生及以物相脩第一義畢竟空相何以故一切菩薩常善脩集空性相故以脩空故昔所不知而今得知云何爲知知無有我無有我所知諸衆生皆有佛性以佛性故一闡提等捨離本心悉當得成阿耨

多羅三藐三菩提如此皆是聲聞緣覺所不能
知菩薩能知以是義故昔所不知而今得知復
次善男子云何昔所不知而今得知菩薩摩訶
薩脩大涅槃微妙經典念過去世一切衆生所
生種性父母兄弟妻子眷屬知識怨憎於一念
中得殊異智異於聲聞緣覺智慧云何爲異
聲聞緣覺所有智慧念過去世所有衆生種性
父母乃至怨憎而作種性至怨憎相菩薩不爾
雖念過去種性父母乃至怨憎終不生於種性
父母怨憎等相常作法相空寂之相是名菩薩
昔所不知而今得知復次善男子云何昔所不
知而今得知菩薩摩訶薩脩大涅槃微妙經典

得他心智異於聲聞緣覺所得云何爲異聲聞
緣覺以一念智知人心時則不能知地獄畜生
餓鬼天心菩薩不爾於一念中徧知六趣衆生
之心是名菩薩昔所不知而今得知復次善男
子復有異知菩薩摩訶薩於一心中知須陀洹
初心次第至十六心以是義故昔所不知而今
得知是爲菩薩脩大涅槃具足成就第二功德
復次善男子云何菩薩摩訶薩脩大涅槃成就
具足第三功德善男子菩薩摩訶薩脩大涅槃
捨慈得慈得慈之時不從因緣云何名爲捨慈
得慈善男子慈名世諦菩薩摩訶薩捨世諦慈
得第一義慈第一義慈不從緣得復次云何捨

慈得慈慈若可捨名凡夫慈慈慈若可得即名菩薩無緣之慈捨一闡提慈犯重禁慈謗方等慈作五逆慈得憐愍慈慈得如來慈世尊之慈無因緣慈云何復名捨慈得慈捨黃門慈無根二根女人之慈屠膾獵師畜養雞豬如是等慈亦捨聲聞辟支佛慈得諸菩薩無緣之慈不見自慈不見他慈不見持戒不見破戒雖自見悲不見衆生雖有苦受不見受者何以故以脩第一真實義故是名菩薩脩大涅槃成就具足第三功德復次善男子云何菩薩摩訶薩脩大涅槃成就具足第四功德善男子菩薩摩訶薩脩大涅槃成就具足第四功德有十事何等爲十一者

根深難可傾拔二者自身生決定想三者不觀
福田及非福田四者脩淨佛土五者滅除有餘
六者斷除業緣七者脩清淨身八者了知諸緣
九者離諸怨敵十者斷除二邊云何根深難可
傾拔所言根者名不放逸不放逸者爲是何根
所謂阿耨多羅三藐三菩提根善男子一切諸
佛諸善根本皆不放逸不放逸故諸餘善根轉
轉增長以能增長諸善根故於諸善中最爲殊
勝善男子如諸跡中象跡爲上不放逸法亦復
如是於諸善法最爲殊勝善男子如諸明中日
光爲最不放逸法亦復如是於諸善法最爲殊
勝善男子如諸玉中轉輪聖王爲最第一不放

逸法亦復如是於諸善法為最第一善男子如
諸流中四河為最不放逸法亦復如是於諸善
法為上為最善男子如諸山中須彌山王為最
第一不放逸法亦復如是於諸善法為最第一
善男子如水生華中青蓮花為最不放逸法亦復
如是於諸善法為最為上善男子如陸生華中
婆利師華為最為上不放逸法亦復如是於諸
善法為最為上善男子如諸獸中師子為最不
放逸法亦復如是於諸善法為最為上善男子
如飛鳥中金翅鳥王為最為上不放逸法亦復
如是於諸善法為最為上善男子如大身中羅
睺羅阿脩羅王為最為上不放逸法亦復如是

於諸善法爲最爲上善男子如一切衆生若二
足四足多足無足中如來爲最不放逸法亦復
如是於善法中爲最爲上善男子如諸衆中佛
僧爲上不放逸法亦復如是於善法中爲最爲
上善男子如佛法中大涅槃法爲最爲上不放
逸法亦復如是於諸善法爲最爲上善男子以

是義故不放逸根深固難拔云何不放逸故而
得增長所謂信根戒根施根慧根忍根聞根進
根念根定根善知識根如是諸根不放逸故而
得增長以增長故深固難拔以是義故名爲菩
薩摩訶薩脩大涅槃根深難拔云何於身作決
定想於自身所生決定心我今此身於未來世

定當為阿耨多羅三藐三菩提器心亦如是不
作狹小不作變易不作聲聞辟支佛心不作魔
心及自樂心樂生死心常為眾生求慈悲心是
名菩薩於自身中生決定心我於來世當為阿
耨多羅三藐三菩提器以是義故菩薩摩訶薩
脩大涅槃於自身中生決定想云何菩薩不觀
福田及非福田云何福田外道持戒上至諸佛
是名福田若有念言如是等輩是真福田當知
是心則為狹劣菩薩摩訶薩悉觀一切無量眾
生無非福田何以故以善脩集異念處故有異
念處善脩集者觀諸眾生無有持戒及以毀戒
常觀諸佛世尊所說施雖四種俱得淨報何等

爲四一者施主清淨受者不淨二者施主不淨
受者清淨三者施受俱淨四者二俱不淨云何
施淨受者不淨施主具有戒聞智慧知有慧施
及以果報受者破戒專著邪見無施無報是名
施淨受者不淨云何名爲受者清淨施主不淨
施主破戒專著邪見言無慧施及施果報受者
持戒多聞智慧知有慧施及施果報是名施主
不淨受者清淨云何名爲施受俱淨施者受者
俱有持戒多聞智慧知有慧施及施果報是名
施受二俱清淨云何名爲二俱不淨施者受者
破戒邪見言無有施及施果報若如是者云何
復言得淨果報以無施無報故名爲淨善男子

若有不見施及施報當知是人
不名破戒專著邪見若依聲聞言
不見施及施果報是則名爲破戒
邪見若依如是
大涅槃經不見慧施及施果報是則名爲持戒正見
菩薩摩訶薩有異念處以脩集故
不見衆生持戒破戒施者受者及施果報是故得名持戒正見以是義故
菩薩摩訶薩不觀福田及非福田云何名爲淨佛國土
菩薩摩訶薩脩大涅槃微妙經典爲阿耨多羅三藐三菩提度衆生故
離殺害心以此善根願與一切衆生共之願諸衆生得壽命長有大勢力
獲大神通以是誓願因緣力故於未來世成佛之時國土所有一切衆生得壽命長有大勢

力獲大神通復次善男子菩薩摩訶薩脩大涅槃微妙經典為阿耨多羅三藐三菩提度衆生故離偷盜心以此善根願與一切衆生共之願諸佛土所有衆生無有貪欲瞋恚癡心亦無飢渴苦惱之者以是誓願因緣力故於未來世成佛之時國土衆生遠離貪淫瞋恚癡心一切無有飢渴苦惱復次善

男子菩薩摩訶薩脩大涅槃微妙經典爲阿耨
多羅三藐三菩提度衆生故離妄語心以此善
根願與一切衆生共之願諸佛土常有華樹果
樹香樹所有衆生得妙音聲以是誓願因緣力
故於未來世成佛之時所有國土常有華樹果
樹香樹其中衆生悉得清淨上妙音聲復次善
男子菩薩摩訶薩脩大涅槃微妙經典爲阿耨
多羅三藐三菩提度衆生故遠離兩舌以此善
根願與一切衆生共之願諸佛土所有衆生常
共和合講說正法以是誓願因緣力故成佛之
時國土所有一切衆生悉共和合講論法要復
次善男子菩薩摩訶薩脩大涅槃微妙經典爲

阿耨多羅三藐三菩提度衆生故遠離惡口以
此善根願與一切衆生共之願諸佛土地平如
掌無有沙礫瓦石之屬荆棘惡刺所有衆生其
心平等以是誓願因緣力故於未來世成佛之
時所得國土地平如掌無有沙礫荆棘惡刺所
有衆生其心平等復次善男子菩薩摩訶薩脩
大涅槃微妙經典爲阿耨多羅三藐三菩提度
衆生故離無義語以此善根願與一切衆生共
之願諸佛土所有衆生無有苦惱以是誓願因
緣力故於未來世成佛之時國土所有一切衆
生無有苦惱復次善男子菩薩摩訶薩脩大涅
槃微妙經典爲阿耨多羅三藐三菩提度衆生

故遠離貪嫉以此善根願與一切衆生共之願
諸佛土一切衆生無有貪嫉惱害邪見以是誓
願因緣力故於未來世成佛之時國土所有一
切衆生悉無貪嫉惱害邪見復次善男子菩薩
摩訶薩脩大涅槃微妙經典爲阿耨多羅三藐
三菩提度衆生故遠離惱害以此善根願與一
切衆生共之願諸佛土所有衆生悉共脩集大
慈大悲得一子地以是誓願因緣力故於未來
世成佛之時世界所有一切衆生悉共脩集大
慈大悲得一子地復次善男子菩薩摩訶薩脩
大涅槃微妙經典爲阿耨多羅三藐三菩提度
衆生故遠離邪見以此善根願與一切衆生共

之願諸佛土所有衆生悉得摩訶般若波羅蜜
以是誓願因緣力故於未來世成佛之時世界
衆生悉得受持摩訶般若波羅蜜是名菩薩脩
淨佛土云何菩薩摩訶薩滅除有餘有三二者
煩惱餘報二者餘業三者餘有善男子云何名
爲煩惱餘報若有衆生習近貪欲是報熟故墮
於地獄從地獄出受畜生身所謂鴿雀鴛鴦鸚
鵡者婆者婆舍利伽鳥青雀魚鼈獼猴麀鹿若
得人身受黃門形女人二根無根淫女若得出
家犯初重戒是名餘報復次善男子若有衆生
以慳重心習近瞋恚是報熟故墮於地獄從地
獄出受畜生身所謂毒蛇具四種毒見毒觸毒

鬻毒噓毒師子虎狼熊羆貓狸鷹鷄之屬若得
人身具足十六諸惡律儀若得出家犯第二重
戒是名餘報復次善男子若有脩習愚癡之人
是報熟時墮於地獄從地獄出受畜生身所謂
象豬牛羊水牛蚤虱蚊蚋蟻子等形若得人身
聾盲瘖瘵殘背僂諸根不具不能受法若得
出家諸根闇鈍喜犯重戒乃至五錢是名餘報
復次善男子若有脩習憍慢之人是報熟時墮
於地獄從地獄出受畜生身所謂糞蟲駝驢犬
馬若生人中受奴婢身貧窮乞白或得出家常
為衆生之所輕賤破第四戒是名餘報如是等
名煩惱餘報如是餘報菩薩摩訶薩以能脩集

大涅槃故悉得斷除云何餘業謂一切凡夫業
一切聲聞業須陀洹人受七有業斯陀含人受
二有業阿那含人受色有業是名餘業如是餘
業菩薩摩訶薩以能脩集大涅槃故悉得斷除
云何餘有阿羅漢得阿羅漢果辟支佛得辟支
佛果無業無結而轉二果是名餘有如是三種
有餘之法菩薩摩訶薩脩集大乘大涅槃經故
得滅除是名菩薩摩訶薩滅除有餘云何菩薩
脩清淨身菩薩摩訶薩脩不殺戒有五種心謂
下中上上中上上乃至正見亦復如是是五十
心名初發心具足決定成五十心是名滿足如
是百心名百福德具足百福成於一相如是展

轉具足成就三十二相名清淨身所以復脩八十種好世有衆生事八十種神何等八十十二日十二大天五大星北斗馬天行道天婆羅幢跋闍天功德天二十八宿地天風天水天火天梵天樓陀天因提天拘摩羅天八臂天摩醯首羅天半闍羅天鬼子母天四天王天造書天婆藪天是名八十爲此衆生脩八十好以自莊嚴是名菩薩清淨之身何以故是八十天一切衆生之所信伏是故菩薩脩八十好其身不動令彼衆生隨其所信各各而見見已增敬各發阿耨多羅三藐三菩提心以是義故菩薩摩訶薩脩於淨身善男子譬如有人欲請大王要當莊

嚴所有舍宅極令清淨辦具種種百味餽饍然
後王當就其所請菩薩摩訶薩亦復如是欲請
阿耨多羅三藐三菩提法輪王故先當修身極
令清淨無上法王乃當處之以是義故菩薩摩
訶薩要當修於清淨之身善男子譬如有入欲
服甘露先當淨身菩薩摩訶薩亦復如是欲服
無上甘露法味般若波羅蜜要當先以八十種
好清淨其身善男子譬如妙好金銀玉器盛之
淨水中表俱淨菩薩摩訶薩其身清淨亦復如
是盛阿耨多羅三藐三菩提水中表俱淨善男
子如波羅柰素白之衣易受染色何以故性白
淨故菩薩摩訶薩亦復如是以身淨故疾得阿

耨多羅三藐三菩提以是義故菩薩摩訶薩脩
於淨身云何菩薩善知諸緣菩薩摩訶薩不見
色相不見色緣不見色體不見色出不見色滅
不見一相不見異相不見見者不見相貌不見
受者何以故了因緣故如色一切法亦如是是
名菩薩了知諸緣云何菩薩離諸怨敵一切煩
惱是菩薩怨菩薩摩訶薩常遠離故是名菩薩
壞諸怨敵五住菩薩視諸煩惱不名爲怨所以
者何因煩惱故菩薩有生以有生故故能展轉
教化衆生以是義故不名爲怨何等爲怨所謂
誹謗方等經者菩薩隨生不畏地獄畜生餓鬼
唯畏如是謗方等者一切菩薩有八種魔名爲

怨家遠是八魔名離怨家是名菩薩離諸怨家
云何菩薩遠離二邊言二邊者謂二十五有及愛
煩惱菩薩常離二十五有及愛煩惱是名菩薩
遠離二邊是名菩薩摩訶薩脩大涅槃具足成
就第四功德爾時光明徧照高貴德王菩薩摩
訶薩言如佛所說若有菩薩脩大涅槃悉作如
是十事功德如來何故唯脩九事不脩淨土佛
言善男子我於往昔亦常具脩如是十事一切
菩薩及諸如來無有不脩是十事者若使世界
不淨充滿諸佛世尊於中出者無有是處善男
子汝今莫謂諸佛出於不淨世界當知是心不
善狹劣汝今當知我實不出閻浮提界譬如有

人說言此界獨有日月他方世界無有日月如是之言無有義理若有菩薩發如是言此佛世界穢惡不淨他方佛土清淨嚴麗亦復如是善男子西方去此娑婆世界度三十二恒河沙等諸佛國土彼有世界名曰無勝彼土何故名曰無勝其土所有嚴麗之事悉皆平等無有差別猶如西方安樂世界亦如東方滿月世界我於彼土出現於世爲化衆生故於此界閻浮提中現轉法輪非但我身獨於此中現轉法輪一切諸佛亦於此中而轉法輪以是義故諸佛世尊非不脩行如是十事善男子慈氏菩薩以誓願故當來之世令此世界清淨莊嚴以是義故一

切諸佛所有世界無不嚴淨復次善男子云何
菩薩摩訶薩脩大涅槃微妙經典具足成就第
五功德善男子菩薩摩訶薩脩大涅槃具足成
就第五功德有五事何等爲五一者諸根完具
二者不生邊地三者諸天愛念四者常爲天魔
沙門刹利婆羅門等之所恭敬五者得宿命智
菩薩以是大涅槃經因緣力故具足如是五事
功德光明徧照高貴德王菩薩言如佛所說若
有善男子善女人脩於布施則得具足五事功
德今云何言因大涅槃得是五事佛言善哉善
哉善男子如是之事其義各異今當爲汝分別
解說施得五事不定不常不淨不勝不異非無

漏不能利益安樂憐愍一切衆生若依如是大
涅槃經所得五事是定是常是淨是勝是異是無
漏則能利益安樂憐愍一切衆生善男子夫布
施者則離飢渴大涅槃經能令衆生悉得遠離
二十五有渴愛之病布施因緣今生死相續大
涅槃經能令生死斷不相續因布施故受凡夫
法因大涅槃得作菩薩布施因緣能斷一切貧
窮苦惱大涅槃經能斷一切貧善法者布施因
緣有分有果因大涅槃得阿耨多羅三藐三菩
提無分無果是名菩薩摩訶薩脩大涅槃微妙
經典具足成就第五功德善男子云何菩薩脩
大涅槃微妙經典具足成就第六功德菩薩摩

訶薩脩大涅槃得舍剛三昧安住是中悉能破
散一切諸法見一切法皆是無常皆是動相恐
怖因緣病苦劫盜念念滅壞無有真實一切皆
是魔之境界無可見相菩薩摩訶薩住是三昧
雖施衆生乃至不見一衆生實爲衆生故精勤
脩集尸波羅蜜乃至脩集般若波羅蜜亦復如
是菩薩若見有一衆生不能畢竟具足成就檀
波羅蜜乃至具足般若波羅蜜善男子譬如金
剛所擬之處無不碎壞而是金剛無有折損金
剛三昧亦復如是所擬之法無不碎壞而是三
昧無有折損善男子如諸寶中金剛最勝菩薩
所得金剛三昧亦復如是於諸三昧爲最第一

何以故菩薩摩訶薩脩是三昧一切三昧悉來歸屬善男子如諸小王悉來歸屬轉輪聖王一
切三昧亦復如是悉來歸屬金剛三昧善男子
譬如有人爲國怨讎人所馱患有入殺之一切
世人無不稱讚是人功德金剛三昧亦復如是
菩薩脩集能壞一切衆生怨敵是故常爲一切
三昧之所宗敬善男子譬如有人其力盛壯人
無當者復更有人力能伏之當知是人世所稱
美金剛三昧亦復如是力能摧伏難伏之法以
是義故一切三昧悉來歸屬善男子譬如有人
在大海浴當知是人已用諸河泉池之水菩薩
摩訶薩亦復如是脩集如是金剛三昧當知已

為脩集其餘一切三昧善男子如香山中有一
泉水名阿那婆躡多其泉具足八味之水有人
飲之無諸病苦金剛三昧亦復如是具八正道
菩薩脩集斷諸煩惱瘡疣重病善男子如人供
養摩醯首羅當知是人已為供養一切諸天金
剛三昧亦復如是有人脩集當知已為脩集一
切諸餘三昧善男子若有菩薩安住如是金剛
三昧見一切法無有障礙如於掌中觀阿摩勒
果菩薩雖復得如是見終不作想見一切法善
男子譬如有入坐四衢道頭見諸衆生來去坐
卧金剛三昧亦復如是見一切法生滅出沒善
男子譬如高山有人登之遠望諸方皆悉明了

金剛定山亦復如是菩薩登之遠望諸法無不
明了善男子譬如春月天降甘雨其滲微緻間
無空處明眼之人見之了了菩薩亦爾得金剛
定清淨之目遠見東方所有世界其中或有國
土成壞一切皆見了了無障乃至十方亦復如
是善男子如由乾陀山七日並出其山所有樹
木叢林一切燒盡菩薩脩集金剛三昧亦復如
是所有一切煩惱叢林即時消滅善男子譬如
金剛雖能摧破一切有物終不生念我能摧破
金剛三昧亦復如是菩薩脩已能破煩惱終不
生念我能壞結善男子譬如大地能持萬物終
不生念我力能持火亦不念我能燒物水亦不

念我能潤清風亦不念我能動物空亦不念我
能容受涅槃亦復不生念言我今衆生而得滅
度金剛三昧亦復如是雖能滅除一切煩惱而
初無心言我能滅若有菩薩安住如是金剛三
昧於一念中變身如佛其數無量徧滿十方恒
河沙等諸佛世界而是菩薩雖作是化其心初
無憍慢之想何以故菩薩常念誰有是定能作
是化唯有菩薩安住如是金剛三昧乃能作耳
菩薩摩訶薩安住如是金剛三昧於一念中徧
到十方恒河沙等諸佛世界還其本處雖有是
力亦不念言我能如是何以故以是三昧因緣
力故菩薩摩訶薩安住如是金剛三昧於一念

中能斷十方恒河沙等世界衆生所有煩惱而
心初無斷諸衆生煩惱之想何以故以是三昧
因緣力故菩薩住是金剛三昧以一音聲有所
演說一切衆生各隨種類而得解了示現一色
一切衆生各各皆見種種色相安住一處身不
移易能令衆生隨其方面各各而見演說一法
若界若入一切衆生各隨本解而得聞之菩薩
安住如是三昧雖見衆生而心初無衆生之相
雖見男女無男女相雖見色法無有色相乃至
見識亦無識相雖見晝夜無晝夜相雖見一切
無一切相雖見一切煩惱諸結亦無一切煩惱
之相見八聖道無聖道相雖見菩提無菩提相

見於涅槃無涅槃相何以故善男子一切諸法
本無相故菩薩以是三昧力故見一切法如本
無相何故名爲金剛三昧善男子譬如金剛若
在日中色則不定金剛三昧亦復如是在於大
衆色亦不定是故名爲金剛三昧善男子譬如
金剛一切世人不能平價金剛三昧亦復如是
所有功德一切人天不能平量是故復名金剛
三昧善男子譬如貧人得金剛寶則得遠離貧
窮困苦惡鬼邪毒菩薩摩訶薩亦復如是得是
三昧則能遠離煩惱諸苦諸魔邪毒是故復名
金剛三昧是名菩薩脩大涅槃具足成就第六
功德

大般涅槃經卷第二十四

鵠 膾 懶

郎但切 七外切 余照切

儻 狹 澀

蘇戎切 侯甲切 力主切

蕪 鷓 漬

似賜切 於耕切 蘇后切

縵 專 慄

力贖切 之平切 宜利切

熊 燧

庭音切 乎非切

爍 爍

力昂切 鄙為切

